

ӘОЖ 81:001.83(100)

Г.Ә. Бөрібаева

әл-Фараби атындағы ҚазҰУ-дың 2-курс магистранты, Қазақстан, Алматы қ.

E-mail: kasymgulnar@mail.ru**Қазақ, орыс, ағылшын тілдеріндегі одағай сөздерге салғастырмалы талдау**

Мақалада қазақ тіліндегі, орыс тіліндегі және ағылшын тілдеріндегі одағай сөздер және олардың қолданылуы, топтастырылуы жеке-жеке қарастырылып, салғастырылады. Келтірілген мысалдар арқылы одағай сөздердің үш тілдегі табиғаты, ұқсастықтары мен айырмашылықтары, ұлттық-мәдени ерекшеліктері айшықталған. Қорытынды алынған мысалдар негізінде жасалды.

Түйін сөздер: одағай сөздер, мәдениаралық қарым-қатынас, лингвомәдениеттану, одағай сөздердің классификациясы, салғастырмалы талдау, ағылшын тіліндегі одағайлар, орыс тіліндегі одағай сөздер.

G.A. Boribayeva

Comparative analysis of interjections kazakh, russian and english languages

The article is considered the usage and typology of interjection in Kazakh, Russian and English languages. Their similarities and difference are determined by giving concrete examples. From the examples offer national and cultural peculiarities of interjections Kazakh, Russian and English languages. Conclusions are based on the results of comparative analysis of the examples.

Interjections are words used for the sole purpose of expressing emotion. The history of studying of interjections shows that, the treatment of an interjection is one of the most disputable and at the same time the least studied areas of science about language in foreign, and in the Kazakh and Russian linguistics. But researches were devoted to the comparative analysis of interjections of different languages (private languages), such as, Russian and English, German, French, etc. And research of comparative analysis of the Kazakh, English and Russian interjections is carried out for the first time. That fact that complex studying of onomatopoeias in the comparative plan so far wasn't carried out caused a choice of a subject of this work.

A comparison between English and Arabic interjections is conducted in an attempt to find out whether equivalents can be found in both languages.

Keywords: interjections, intercultural communication, linguistic cultural, classification of interjections, comparative analysis, interjection of Russian languages, interjection of English languages.

Г.А. Борибаева

Сопоставительный анализ междометий казахского, русского, английского языков

В статье рассматривается употребление и типология междометий в казахском, русском, английском языках. Их различие и сходство определяются с помощью конкретных примеров. Из приведенных примеров открываются национальные, культурные особенности междометий казахского, русского и английского языков. Выводы основаны на результатах сопоставительного анализа примеров.

Частью речи, отвечающей за эмоции, являются междометия, которые зачастую представляют возгласы и очень редко несут в себе какую-либо смысловую нагрузку. История изучения междометий показывает, что как в зарубежном, так и в отечественном - казахском и русском языкознании, трактовка междометия является одной из наиболее спорных и в то же время наименее исследованных областей науки о языке. Но исследования посвящались междометиям отдельных языков, были написаны работы, посвященные сопоставительному анализу междометий разных языков, таких, как русский и английский, немецкого, французский и т.д. А исследование сопоставительного изучения казахских, английских и русских междометий проводится впервые. Тот факт, что до настоящего времени не было проведено комплексное изучение ониматопей в сопоставительном плане, обусловило выбор темы данной работы.

Основной целью работы является всестороннее описание структуры междометий, а также комплексное рассмотрение их семантических и стилистических аспектов современного казахского языка в сопоставлении с английскими и русскими языками.

Ключевые слова: междометие, межкультурная коммуникация, лингвокультурология, классификация междометий, сопоставительный анализ, междометие русского языка, междометие английского языка.

Туыс емес тілдерді сол тілдердің өздеріне тән тілдік заңдылықтарға сүйене отырып, өзара салғастыра зерттеу, әсіресе, қазіргі жаһандану заманында өзекті мәселенің бірі болып отыр.

Өйткені ғаламдану құбылысы барысында алуан түрлі тілдерде сөйлейтін адамдар бір-бірімен қарым-қатынасқа түсіп, әлем халықтарының бір-бірінің өнері мен мәдениетіне, тарихы мен

әдебиетіне, тілі мен салт-дәстүріне деген қызығушылығы өсіп келеді. Ал мұндай мақсаттың тек тіл арқылы ғана жүзеге асатыны мәлім.

Тілдің экспрессивті-эмоционалды лексикасы саналатын одағай сөздер – тіл білімінде белгілі дәрежеде зерттелген мәселе, алайда олардың сан алуан тілдердегі зерттелу дәрежесі әр қилы. Бұған себеп – одағай сөздердің өздеріне ғана тән тілдік ерекшеліктері мен олардың алуан түрлі тілдердегі қолданысының әр түрлілігі. Мәселен, көптеген ғалымдар бұл сөздерді жан-жақты зерттеп, бірқатар түркі тілдерінде дербес сөз табы ретінде қарастырса, үндіеуропалық тілдерде бұл сөздер негізінен үстеулердің құрамында сарапталады. Көптеген ғалымдар тілдегі атқаратын рөлі жоғары, негізгі сөз таптарына жататын сөздермен салыстырғанда одағай сөздер аса бір маңызды тілдік феномен болып табылмайды деген пікірді ұстанатын еді. Алайда тілді және оның бірліктерін тілдік таңбалардың қатынасы емес, сөйлеуші мен тыңдаушының қатынасы аясында қарастыратын прагматикалық лингвистиканың дамуымен бірге бұл сөздерге деген жаңа көзқарастар қалыптаса бастады.

Тілдің негізгі қызметтерінің бірі болып табылатын экспрессивтік-эмоционалдылықты жүзеге асыруда таптырмас құрал, ал коммуниканттар арасындағы қарым-қатынаста маңызды тілдік бірліктер болып табылатын одағай сөздердің мәдениаралық қарым-қатынастағы ерекшеліктері мен құрылымдық, функционалдық-семантикалық және ұлттық-танымдық айрықшылықтары қазақ, орыс, ағылшын тілдерінің материалдары негізінде алғаш салғастырыла зерттеліп отыр. Соңғы жылдарда халықаралық тілдердің қатарына енетін ағылшын, орыс тілдері мен қазақ тілі ауқымында теориялық тұрғыда салғастырыла зерттелген тілдік құбылыстардың саны да, сапасы да өсіп, олардың өз практикалық жемістерін беріп жүргені белгілі жайт. Сондықтан тіл жүйесіндегі алатын орны ерекше одағай сөздердің аталмыш үш тілде алғаш рет салғастырыла зерттелуінің тіл біліміне қосары мол.

Аталған үш тілдегі одағай сөздердің ерекшеліктеріне жеке-жеке тоқталуды жөн көрдік. Қазақ тіліндегі одағай сөздердің классификациясы мен құрылымдық тұрғыда қарастырылуына байланысты жалпы қалыптасқан көптеген пікірлерге сай ортақ топтастырылу үлгісін алдық. Одағай сөздер құрылымы жағынан негізгі және туынды болып екіге бөлінеді. Негізгі одағайларға: *ау, па, ей, әй, е, уа, уау, я, пай, ә, о, оһо, ой, ие, аһа, ау, беу* дегендер

жатады. Ал, туынды одағай сөздерге: *мәссаған, бәрекелді, әттегенай, жаракімалла, масқарай, о тоба, астапыралла, япырмай, ойпырмай, о дариға...*, т.б. жатады.

Ал, мағынасы жағынан ишарат одағайлар, жекіру одағайлары, шақыру одағайлары, көңіл-күй одағайлары, императивтік одағайлар, тұрмыс салт одағайлары және т.с.с. болып бөлінеді. Соның ішінде әрқайсысына жеке-жеке тоқталып өтсек. *Ишарат одағайлары* – бұйрық, сұрау, мәнді сөздер (*кәне, көнеки, ал, әйда*). Мысалы: *Кәне, коллектив боламыз дегендерің қол көтеріңдер (Б. Майлин). Жекіру одағайлары*: 1) адамға арнайы айтылатын одағайлар: көрсету я нұсқау сөздері (*кәні, міне, әні*), ұсыну сөздері (*мә, айда*), тыю сөздері (*жәй, тәй, тек, тәйт*); 2) жануарға арнап айтылатын одағайлар. Бұл топқа төрт түлік мал, ит, мысық сияқтанған үй айуандарын жемге шақыру, айдау, үркіту т.б. мақсатымен қолданылған сөздер мен тіркестер жатады. Мысалы: түйеге: *көс, көс! сорап, сорап! қош-қош!*; қой мен ешкіге: *пфша (пішә), құрау-құрау! шәйт! шек! шеге, шеге!*; жылқыға: *моһ, моһ! тәк, тәк! құрау, құрау! құр, құр!*; ит пен мысыққа: *кә, кәһ! күшім, күшім! мышы-мышы! пырс! Шақыру одағайлары* – таңдайды тақылдатып, еріндерді шүйіріп, ысқырып айтатын, транскрипциялауға қиын болатын одағайлар. Бұларды, әдетте, шақыру одағайлары дейміз, бірақ олар тек шақыру ғана емес, жекіру, ұрысу тағы сол сияқты мағыналарды білдіреді. *Көңіл-күй одағайлары* – адамның әр түрлі сезімдерін, көңіл-күйін білдіретін сөздер. Олар: жағымды көңіл-күйді білдіретіндер (*Алақай! Паһ-паһ! Бәрекелді! Ура! т. б.*); жағымсыз эмоцияны білдіретіндер (*Әттең! Әттеген-ай! Қап! Түге! Пішту! Бай-бай-бай! т.б.*); әрі жағымды, әрі жағымсыз көңіл-күйді білдіретіндер (*Пай-пай, шіркін, Алатау! Пай-пай, мыналар төбелесетін болды ғой!*) болып бөлінеді. *Императивтік одағайлар* – адам не айуанға бағышталып, шақыру, жекіру, бұйыру мақсатымен айтылған одағайлар. Бұлар бағышталып отырған объектілерге қарай ішінара екі топқа бөлінеді: адамға бағышталып айтылған одағайлар. Бұған *бұйыру, жекіру, тиым салу* т.б. мақсатында жұмсалған (*Жә! Тәйт! Сап-сап! Әуһ! Әлди-әлди! Әйда!*) сөздері жатады. *Тұрмыс-салт одағайлары* – Бұл топқа өмірде жиі қолданылатын, адамдардың амандасу, қоштасу т.б. сыйластық белгісі ретінде жұмсалатын *Хош! Рахмет! Ассалаумағалайкүм! Хайыр! Құп! Ләббай! Кеш жарық!* т.б. одағайлар жатады [1, 72].

Одағайлар мағына құбылмалылығына байланысты *бірмағыналы* (Алақай! Қап! Әттең! т.б.) және *көпмағыналы* (Ә! Пәлі! Пай-пай! т.б.) болып екіге бөлінеді. Одағайлар — эмоцияналдық-интонациялық әуезділік, ырғақ құбылмалылығына өте бай категория. Одағайлар негізінен, түрленбейтін, қосымашаларды көп қабылдай бермейтін сөздер. Олардың арасында жеке-дара күйінде ғана айтылатындар да, қосар күйінде қолданылатындары да бар. Құрамы жағынан алып қарағанда түбір (Ә! О! Қап! Ой! т.б.) және туынды (*Мәссаған! Апырым-ай! Бәрекелді! Әттеген!* т.б.) түрлері кездеседі. Одағайлар өз алдына сөйлем мүшесі бола алмайды. Олар жеке-дара тұрғанда сөз-сөйлем қызметін атқарады. Одағайлар сөйлем ішінде, әсіресе, диалогты сөйлемдерде етістіктермен тіркеседі де белгілі бір сөйлем мүшелерінің құрамына енеді. Одағайлар кейде етістіктермен тіркесіп фразеологиялық тіркестердің жасалуына себеп болады (*Ай-шай демей, аһ ұрды, шу дегеннен, әу деді т.б.*).

Одағай сөздерді түрлі топтарға бөле беруге болады, дегенмен нақты әрі ұтымды топтары осы болып келеді. Себебі, әрбір сезімге байланысты одағайларды бөле берсек мәні кетеді деп ойлаймыз.

Орыс тілінде одағайларды түрлі белгілеріне қарап топтастырады, мәселен, пайда болу белгілеріне қарай, құрылымына қарай және мағынасына қарай:

- пайда болу белгілеріне қарай: *негізгі* және *туынды* одағайлар.
- құрылымы бойынша: *жай, күрделі, құрамдас* одағайлар.
- мағынасына қарай: *эмоцияналды, қозғаушы, әдеп* одағайлар.

Одағай сөздердің генетикалық жақтан байланысы бар топтардың айрықша сөздер бойынша классификациясы өте ауқымды:

- зат есімдерден: *батюшки, господи, боже және т.б.*
- етістіктермен: *ишь, вишь, пли және т.б.*
- есімдікпен, үстеумен, бөлшектермен және жалғаулықтармен: *то-то, эка, ш-ш, вот-вот және т.б.*

Одағай сөздерге сонымен қатар төмендегілер де енеді:

- жетілулер: *на тебе, ну да, да уж, эх вот как, вот те раз және т.б.*;
- тұрақты тіркестер мен фразеологизмдер: *батюшки светы, слава богу және т.б.*;
- түрлі дыбыстар, жанауарлар мен құстардың дауысын келтіретін сөздер: *тра-та-та, бабах, мяу-мяу, дзинь-дзинь және т.б.* [2, 16].

Одағай сөздер көптік мағынада қолданылғанда зат есімдерге ауысады. Одағайлардың басты дереккөздері сипаттаушы, бағалаушы зат есімдер (*страх, ужас, беда*) мен экспрессивті етістіктер (*постой, погоди, давай, валяй, мутти, замутти*) болып табылады. Орыс тілінің классификациясы мүлдем бөлек. Әрине, әр тілдің өзіндік ерекшеліктері болады.

Ағылшын тіліндегі одағайлардың арнайы классификациясы жоқ. Бұл оны толық зерттелмеген дегенге сай келмейді. Тек мағыналары мен жасалу жолдарына қарай ғана топтастырылады. Олар эмотивті одағайлар, еліктеуіш одағайлар, белгілі бір қимыл не ым-ишарамен бірге айтылатын одағай сөздер және таптық мәні бар дербес сөздер негізінде жасалған одағай сөздер болып төртке бөлінеді. Соның ішінде:

- эмотивті одағайларға *Ahem! A-hey! Ai! Aw! Ay me! Cor! Dammit! Hah-hah! Height-ho! Hip-hip hurrah! Hem! Hooray! Pshaw! Ur! Whoops!*;
- еліктеуіш одағайларға *Cock-a-doodle-doo! Flop! Poop! Woof! Wink-wink! Mew-mew! Bzzz! Moo! He-haw!*;
- үшінші топтағы одағай сөздерге *Achoo! Bo-o! Cracko, jacko! Dilly-dilly! Heave-ho! Hey-pass! Hush-a-bye!*;
- төртінші топтағы одағай сөздерге *Ah me! By George! Jazz up! My! By gum!*, және т.б. жатады.

Одағай сөздер экспрессивті немесе қозғаушы қызмет атқарады, мәселен, адамда таңырқау сезімін тудырып (қазақ тілінде – *Па! Бей! Пах!*; орыс тілінде – *Ох! Ого! Ого-го!!!*; ағылшын тілінде – *Crazy! Gee! Goodness! Gosh! Ha! Heyday!*), немесе шақыру (*Құрай-құрай! Оу! Әй!; Эй! Цып-цып!; Wink-wink! Mew-mew!*) немесе бұйыру (*Кәне! Кәнеки! Ал! Әйда!; Брысь!; Hey-pass! Let's go! Ur! Hush! Whoops!*) одағай сөздерін пайдалануға түрткі болады. Көптеген одағай сөздер сыртқы дүниенің әсеріне қарсы шығатын эмоционалды айқай мен дыбыстардан пайда болған делінеді (*Бай-бай-бай суығын-ай!; А-а-а, Ах, больно! Ух, тяжело! Брр. Холодно!; Ах! Ох! Ouch! Ow!*), мұндай одағай сөздердің құрамындағы дыбыстар айрықша қасиетке ие. Одағай сөздер арасында дыбыспен айтылуға келмейтін одағайлар да кездеседі, олар адамның таңдай, тіл, тіс және т.б. дене мүшелері арқылы айтылады. Одағай сөздер көптеген сөздерді немесе бір сөйлемді қысқартылған формадағы одағай сөздермен ауыстырады. Мысалы, *қандай керемет* деген таңырқау сөзін бір ғана *мәссаған!* одағайы немесе *қатты қуанып тұрмын* деген сөзді бір ғана *алақай!*

одағайымен ауыстыруға болады. Орыс тілінде: *какая гадость!* – *тьфу, брр; тише, не шумите – тсс...; подите сюда, послушайте – эй, пст* және т.б. Ал ағылшын тілінде: *that's bad – boo; it's cold – brr; I didn't mean to do that – oops; wait, I'm thinking – uhh* және т.б.

Ағылшын тіліндегі одағай сөздер жүйелі сөзде сөйлеушінің сезімін жеке дыбыстармен білдіре алады: *Ok! Oh! Ah! Bravo! Hush! Hurrah!* немесе тіркесіп те келе алады: *For shame! Ұят-ай! Well done! Жарайсың!* және т.б. Сөйлем негізінде де: «*Well, perhaps you are right!* – Бәлкім, сіздікі де дұрыс шығар», «*Oh! What a pleasure!* – Пах, қандай тамаша!».

Орыс тіліндегі *ох, ой, пли, ух, фу, фи, ага, ах, апчи, батюшки, господи, ишь ты, божже ж ты мой, о чёрт! Ай молодца! Молодец! Молодчина! да ну ты брось, да ну как же оно так вышло-то, вот, при! ...* және т.б. одағай сөздердің лексикалық және грамматикалық мағынасы жоқ, өзгермейді және сөйлем мүшесі бола алмайды. Тек қана, егер одағай сөздер, мәселен, зат есімнің орнына келсе ғана, сөйлем мүшесі бола алады: «*В темноте раздалось грозное эй*».

Сонымен қатар орыс тіліндегі одағай сөздер де род категориясы бойынша, жекеше не көпшеге түрленбейді және байланыстырушы қызмет атқармайды. Кей кездері одағай сөздер өзге сөз табы ретінде сөйлем мүшесі бола алады. Сол кезде арнайы лексикалық мағынаға ие болады: «*Ай да мёд!*», «*Вот раздалось 'ау' вдалеке*».

Ал ағылшын тіліндегі одағайлар мағынасы жағынан былайша түрленеді:

Ашулану сезімін білдіретін одағайлар: Damn! Damnation! The devil! Doggone! Ha! Hang it! Hell! Hunh! Rats! Shit! What! Zounds!; Түршігу, тіміркену Bother! Deuce! Drat! Drot! Mercy! Merde! Oof! Ouff(f)! ouch! Rot! Son of bitch! Spells! Tut! tut-tut! Zut!; Қолдау, мақұлдау Hear! Hubba-hubba! Hurrah! Keno! Ole! So!; Ұнатпау, жек көру Bah! Boo! Booh! Hum! Humph! Hunh! Paff! Paf! Pah! Pfui! Pho! Phoh! Phoo! Phooey! Pish! Poof! Pouf! Pouf! Pooh! Prut! Prute! Pshaw! Puff! Poff! Quotha! Sho! Shoo! Shuh! Shah! Soh! Yech! Zut!; Таңдану Ah! Ach! Coo! Coo-er! Goody! Goody goody! Whacko! Whizzo! Wizzo!; Жуіркену Aargh! Buh! Gad! Humph! Pah! Phew! Phooey! Pish! Pshaw! Pugh! Rot! Shit! Shoot! Ugh! Yech! Yuck! Hubba-hubba! Wahoo! Zowie!; Eek! Oh! Oh, no!; Қызыгу, әуестік Hubba-hubba! Wahoo! Zowie! Қорқу Eek! Oh! Oh, no!; Сабырсыздық chut! Gah! Pish! Pooh! Pshaw! Psht! Pshut! Tcha! Tchah!

Tchu! Tchuh! Tut! Tut-tut! Why! Zut!; Напазылық Here! Why!; Ашулану Cor! Corks! Doggone! Hell! Hoot! Lord! Lor'! lor! Lors! Lordy! Lord me! Merde! Sapperment! Shit! Upon my word!; Қуану, шаттану Heyday! Hurrah! Ole! Whee! Whoop! Whoopee!; Ауырсыну Ah! Oh! Ouch! Ow! Wow! Yipe! Yow!; Аяу Alas! Dear! Dear me! Ewhow! Lackaday! Lackadaisy! Las! Och! Oche! Wellaway! Welladay! Welliday!; Ләззаттану Aha! Boy! Crazy! Doggone! Good! Heigh! Ho! Wow! Yum! yum-yum!; Жеңілдену Whew! Whoof!; Күйіну Alas! Ay! Eh! Hech! Heck! Heh! Lackadaisy! Las! Mayrone! Och! Oche! Wellaway! Welladay! Welliday! Wirra!; Тосын сыйлық Ah! Alack! Blimey! Caramba! Coo! Cor! Dear! Dear me! Deuce! The devil! Doggone! Gad! Gee! Gee-whiz! Golly! Good! Goodness! Gracious! Gosh! Ha! Heck! Heigh! Heigh-ho! Hey! Heyday! Ho! Hollo! Hoo-ha! Huh! Humph! Indeed! Jiminy! Lord! Mercy! My! Nu! Od! Oh! Oho! Oh, no! phew! Say! Shit! So! Son of a bitch! Upon my soul! Well! What! Whoof! Whoosh! Why! Upon my word! Wow! Yow! Zounds!; Қолдау Now! Tsk!; Триумф Aha! Ha! Hurrah! Ole! So!; Таң қалу Blimey! Crazy! Gee! Goodness! Gosh! Ha! Heyday! Oh! What! Wow! [3, 5-6].

Бір қызығы, мұндағы түрлі эмоционалды күйлердің кейбіреулерінің аса бір-бірінен айырмашылығы байқала қоймайды және кейбір одағайлар қайталанып келе берген. Әрине, бұл одағайлардың көпмағыналылығынан хабар береді.

Одағай сөздер күнделікті өмірімізде қалыспай, әсіресе, ауызекі стилінде жаппай қолданылып келеді. Бірқатар одағайлар қайта жаңартылып қолданылып жатса, бірқатары кірме одағайлары болып табылады. Заманауи жаһандану үрдісіне сәйкес, көптеген төл шығармаларымыз шет ел тілдеріне тәржімаланып, сауда-саттық, тәжірибе алмасу, т.с.с. халықаралық қатынастар саны күннен-күнге артуда. Сондықтан өзге елдермен қатынас жасауда көпір қызметін атқаратын мәдениаралық қарым-қатынаста сөздерді ұтымды пайдалана білу өте маңызды. Бұл жағдайда одағайлардың да атқаратын рөлі үлкен. Соның салдарынан одағай сөздердің түрлі ерекшеліктері күн санап көбейіп келеді.

Осы тұрғыда алып қарағанда одағай сөздер сөздер жайлы зерттеулер әлі де болса аксиомаға айнала қойған жоқ және әлі де толықтай зерттеуді талап етеді. Одағай сөздердің әр тілдің ұлттық-танымдық ерекшеліктерін білдіруде де үлкен рөл атқаратыны мәлім. Сондықтан осы тұрғыда зерттеу одағайлардың жан-жақты сыры мен ерекшеліктерін ашуда өз көмегін көрсетеді.

Одағай сөздер үш тілде де сөз табы болып табылады және адамның көңіл-күйін, эмоционалды жағымсыз, жағымды сезімін және т.б. императивтік ишаратын білдіреді. Сонымен қатар аталған үш тілде де бірмағыналы және көпмағыналы бола алады, сөйлемде түбір күйінде де, тіркесіп те, басқа сөз табы есебінде де келе береді. Тек ерекше жағдайларда болмаса, үш тілдегі одағайлар да түрленбейді және сөйлемнің не басында, не ортасында, не аяғында үтір арқылы келеді.

Одағай сөздер үш тілде де ауызекі тілде де, көркем әдебиеттің кез келген түрінде де кеңі-

нен қолданылады. Соңғы кездері, әсіресе, жастар тілінде белсенді түрде қолданылып келеді. Тіл-тілден одағай сөздер еніп, кірме одағай атанады. Кейбір одағайлар баламасын тауып, сіңісіп кетіп жатады. Ал кейбіреулері баламасыз, сол күйінде қолданыла береді.

Бірақ жоғарыда атап өткеніміздей, одағай сөздерді зерттеушілердің пікірлері мен көзқарастары әлі де болса біржақты емес. Сонымен қатар отандық ғылымда одағай сөздерді зерттеу жұмыстары толық жетілмеген. Сондықтан да одағай сөздерді жан-жақты зерттеу келешектің еншісінде.

Әдебиеттер

- 1 Қазақ тілі. Энциклопедия. Қазақстан Республикасы Білім, мәдениет және денсаулық сақтау министрлігі, Қазақстан даму институты. – Алматы, 1998. – 509 б.
- 2 Шаронов И.А. Междометие в языке, в тексте и в коммуникации. Филол.ғыл.д-ры ... дис. автореф. – М, 2009. – 35 б.
- 3 Vladimir Z.J. The form, position and meaning of interjection in English. Facta Universitatis Series: Linguistics and Literature, 2004. – № 3. – P. 17-28.

References

- 1 Қазақ тілі. Entsiklopediya. Qazaqstan Respublikasy Bilim, mädeniet zhөne densaulық saқтаu ministrliğı, Qazzhakstan damu instituty. – Almaty, 1998. – 509 b.
- 2 Sharonov I.A. Mezhdometie v yazyke, v tekste i v kommunikatsii. Filol.fyl.d-ry ... dis. avtoref. – M, 2009. – 35 b.
- 3 Vladimir Z.J. The form, position and meaning of interjection in English. Facta Universitatis Series: Linguistics and Literature, 2004. – № 3. – P. 17-28.